



UKA 2018/166
25. oktober 2018
Aqqaluk Heilmann

2020 nallertinnagu ullukinnerup ulloq 21. decembarip pisortatigoortumik nalliussineqartalernissaanik atulersitsinissaq pillugu Inatsisartuni aalajangiiffigisassatut siunnersuut.

(Inatsisartunut ilaasortaq Peter Olsen, Inuit Ataqatigiit)

Ullukinneq inuiaat kalaallit ullorsiorfiattut pisortatigoornerusumik nalliussineqartalernissaa soqutiginarartissinnaavarput. Pingaartipparpulli inuit nammineerlutik ulloq qanoq atussanerlugu aalajangersinnaassagaat, persuarsuutigissallugu persuarsuutiginaguluunniit. Taamatorpiaq aamma suliffeqarfiit namminersortut aalajangigassarivaat ullukinneq qanoq suliffeqarfimmini atussanerlugu.

Ilaqutariit ilaasa ileqqorivaat ullukinneq immikkut persuarsuutigissallugu arlaatigulluunniit ileqqorisaminnik atussallugu. Aamma ilaqutariippassuaqarpoq ullukinnermik annertunerusumik persuarsuutiginnineq ajortunik. Inuit ileqqui ataqqisussaavagut.

Periarfissaqalerpugummi maanna kalaallit ileqqutoqarput pisortatigoornerusumik naqissusissallugu. Kulturitoqqatsinnik tammatsaaliineq, seqernullu qummut aallariartornera qujanarfialugu, Atassummiit puigunngilarput.

Ajoriffissaqartinngilarput ullukinneq ersarinnerusumik ullorsuutini allaqqalerpat. Annertunerusumilli pisortaniit ulloq qanoq atorneqassaneranik inuit peqqusinnaanngilagut.

Pisortatigoortumilli siunnersuut ataatsimiititaliamut innersuukkusupparput.